



Dirección: Coirós de Arriba, 16
CP: 15316
Concello: Coirós, A Coruña
Teléfono: 981 79 64 14

CONCELLO DE COIRÓS

INFORME DE SECRETARÍA

Asunto: tramitación do expediente para a aprobación da conta xeral do ano 2025. Expte 2026/T017/000001 .

De acordo co ordenado pola Alcaldía mediante providencia de data 24/06/2026, e en cumprimento do establecido no artigo 3.a) do Real Decreto 128/2018, do 16 de marzo, polo que se regula o réxime xurídico dos funcionarios de administración local con habilitación de carácter nacional, emito o seguinte informe.

PRIMEIRO. O artigo 200.1 do Texto refundido da Lei reguladora das facendas locais, aprobado por Real decreto legislativo 2/2004, de 5 de marzo, establece que as entidades locais e os seus organismos autónomos quedan sometidos ao réxime da contabilidade pública nos termos establecidos na devandita Lei, e o artigo 119. 3 da Lei 47/2003, de 26 de novembro, xeral orzamentaria determina que o sometemento ao réxime de contabilidade pública implica «obriga de render contas das súas operacións, calquera que sexa a súa natureza, ao Tribunal de Contas».

O réxime de contabilidade pública ao que están sometidas as entidades locais ten como fin último a obriga de render contas das súas operacións, e o mecanismo previsto polo Texto refundido da Lei reguladora das facendas locais, aprobado por Real decreto legislativo 2/2004, de 5 de marzo, para cumprir esta obriga é a conta xeral.

SEGUNDO. A lexislación aplicable é a seguinte:

- Os artigos 22.2 e) e 116 da Lei 7/1985, de 2 de abril, reguladora das bases do réxime local.
- O artigo 212.4 da Lei 5/1997, do 22 de xullo, de Administración Local de Galicia.
- Os artigos 208 a 212 do Texto refundido da Lei reguladora das facendas locais aprobado por Real decreto legislativo 2/2004, de 5 de marzo.
- O artigo 119.3 da Lei 47/2003, de 26 de novembro, xeral orzamentaria.
- Os artigos 28 e 30 da Lei 19/2013, de 9 de decembro, de transparencia, acceso á información pública e bo goberno.
- As regras 45 e seguintes da Orden HAP/1782/2013, de 20 de setembro, pola que se aproba a instrución do modelo simplificado de contabilidade local.
- Resolución de 28 de xullo de 2006, da Intervención Xeral da Administración do Estado, pola que se recomenda un formato normalizado da conta xeral das entidades locais en soporte informático que facilite a súa rendición.
- Resolución de 30 de marzo de 2007, da Presidencia do Tribunal de Contas, pola que se fai público o acordo do Pleno, de 29 de marzo de 2007, que aproba a Instrución que regula o formato



Dirección: Coirós de Arriba, 16
CP: 15316
Concello: Coirós, A Coruña
Teléfono: 981 79 64 14

CONCELLO DE COIRÓS

da conta xeral das entidades locais en soporte informático e o procedemento telemático para a rendición de contas.

— A Orde EHA/3565/2008, de 3 de decembro, pola que se aproba a estrutura dos orzamentos das entidades locais.

— Resolución do 10 de marzo de 2020 do Consello de Contas de Galicia, pola que se ordena a publicación do Acordo do Pleno do Consello de Contas de Galicia, do 6 de marzo de 2020, polo que se modifica o disposto no Acordo do Pleno do 31 de maio de 2016, polo que se aproba a Instrución que regula o formato normalizado da conta xeral das entidades locais de Galicia en soporte informático e o procedemento telemático para a súa rendición.

TERCEIRO. O modelo simplificado de contabilidade débena aplicar os municipios cuxo orzamento non exceda de 300.000 euros, así como aqueles cuxo orzamento supere este importe pero non exceda de 3.000.000 euros e cuxa poboación non supere os 5.000 habitantes.

As demais entidades locais sempre que o seu orzamento non exceda de 3.000.000 euros. Os organismos autónomos dependentes das entidades locais contempladas nos apartados anteriores.

Así mesmo, aplicarase o modelo normal de contabilidade local nos municipios cuxo orzamento exceda de 3.000.000 euros, así como aqueles cuxo orzamento non supere este importe pero exceda de 300.000 euros e cuxa poboación sexa superior a 5.000 habitantes. As demais entidades locais sempre que o seu orzamento exceda de 3.000.000 euros. Os organismos autónomos dependentes das entidades locais contempladas nos apartados anteriores.

CUARTO. O procedemento para aprobar a conta xeral é o seguinte:

A. De conformidade co artigo 212.2 do Texto refundido da Lei reguladora das facendas locais, aprobado por Real decreto lexislativo 2/2004, de 5 de marzo, a conta xeral será formada pola Intervención.

O contido da conta xeral dependerá do modelo de contabilidade que se aplique en cada Concello, así deberá de ser o adecuado á Instrución de contabilidade que sexa aplicada, concretamente regúlase nas regras 45 e seguintes da Orde HAP/1782/2013, de 20 de setembro, pola que se aproba a Instrución do modelo simplificado de contabilidade pública.

De acordo cos artigos 21.1.f) da Lei 7/1985, de 2 de abril, reguladora das bases do réxime local e 212.1 do Texto refundido da Lei reguladora das facendas locais, aprobado por Real decreto lexislativo 2/2004, de 5 de marzo, corresponde ao Presidente da entidade local render as contas, polo que o Alcalde someterá a conta xeral, xunto con todos os seus xustificantes e anexos, a informe da Comisión Especial de Contas, sempre antes do 1 de xuño.

O artigo 212.4 da Lei de administración local de Galicia dispón que “as contas e a documentación complementaria estarán ao dispor dos membros da Comisión para exame e consulta como mínimo quince días antes da reunión”, polo que é preciso convocar cun mínimo de quince días hábiles de antelación.



Dirección: Coirós de Arriba, 16
CP: 15316
Concello: Coirós, A Coruña
Teléfono: 981 79 64 14

CONCELLO DE COIRÓS

De igual forma defínese nas regras 51 e 52 da antedita Orde, como conta-dantes os titulares das entidades e órganos suxeitos á obriga de render contas e en todo caso, o Presidente da entidade local.

B. A conta xeral co informe da Comisión Especial de Contas será exposta ao público por prazo de quince días, durante os cales, e oito máis, os interesados poderán presentar reclamacións, reparos ou observacións. Examinados estes por a Comisión Especial e practicadas por esta cantas comprobacións estime necesarias, emitirá novo informe.

C. Acompañada dos informes da Comisión Especial e de todas as reclamacións e reparos formulados, a conta xeral someterase ao Pleno da Corporación para que, de ser o caso, poida ser aprobada antes do día 1 de outubro.

D. A conta xeral debidamente aprobada remitirase ao Tribunal de Contas e, de ser o caso, ao Consello de Contas de Galicia.

En Coirós, a 2 de xullo de 2026.

A secretaria

Asdo.- María Cristina Varela García

Enterado,
O alcalde

Asdo.- Francisco Quintela Requeijo